



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psalmvs XVII. Exaudi Domine iustitiam meam.

urn:nbn:de:hbz:466:1-44993

- Tabæ dilecti minui, aut profanæ
Cedere morti.
1 Tu mihi, vt vitas repetam, viarum es
Auctor & ductor: saturante semper
Dextera & vultu decus atque plena
Gaudia præstas.

PSALMVS XVII.

Exaudi Domine iustitiam meam.

PROBITATIS FIDV CIA.

Oratio David. *Ode eadem.*

- 1 **P**osco si iustum, famuli querelas
Excipe o magnum mihi numen IAS;
Fraudis experti auxilium rogantis
Annuè voci.
2 Te meæ summum cupiens adopto
Arbitrum causæ, penitus valentem
Facta quæ consent oculis probanda
Cernere puris.
3 Intimos cordis penetras recessus,
Nocte me obseruas, tacitosque renes
Excoquis, nec tu mea verba curis
Dissona sentis.
4 Ipse verborum memor at tuorum
Lustro dum spectans homines, nocentum
Semitas certè varias latronum
Visere cogor.
5 Ac tuis nostri duce te rotentur
Orbitis gressus, mea ne viarum
Lubrico tandem tremebunda cursu
Crura vagentur.
6 Te voco FORTEM, facilem & vocanti;
Tu meis aurem solitam querelis
Admoue; & quod nunc referam, benigne
Excipe dictum.
7 Ede mirandis tua dona gestis,
Meque (fidentes tibi namque seruas)
Eripe instantum gregibus superbis
Vindice dextra.
8 Me fove, vt puris oculis micantem
Luce pupillam, dubioque casu
Me tuis tutum, procul & timore
Siste sub alis.

Improbis

9. Improbis raptæ cupidisque prædæ
Hostibus circum premor, atque densa
- 10 Corporum mole, & grauibus minantum
Vocibus angor.
- 11 Qua pedem simplex moueam; notantes
Signa perlustrant oculisque acutis
Quæ plagas tendant, laqueosque terræ in
Pulvere celent.
- 12 Qualis est prædæ rabido leoni
Ardor; occultis, catulo aut feroci,
Qui fame obseruans stimulante, captæ
Tempora, lustris.
- 13 Ergo præuerte & rapidos furores
Dissipa exurgens, famuli tuique,
Improbis, isto gladio petitam,
Eripe vitam.
- 14 Eripe ingenti auxilio manuque
Me viris IAS nimium prophanis,
Grata præsentis quibus vsque constans
Munera vitæ.
His, tuis, venter fatur est avarus,
Quas mare & tellus epulas recondit;
Plurima his diues soboles vel ipsis
Reliquijs est.
- 15 Ast mihi fortis satis est beatæ,
Istius iusti speciem nitoris
Cernere; vtque in me tua, te benigno,
Surgat imago.

PSALMVS XVIII.

Diligam te Domine fortitudo mea.

PIA GRATVLATIO.

- 1 Ad præstantem famuli Domini, David inquam, qui
locutus est Domino verba cantici huius, quo die li-
berauit Dominus ipsum è palma omnium hostium
suorum, & è palma Saulis, & dixit:

Ode Dicolos Distrophos.

- 2 **V**isceribus totis IAS te semper amabo,
Qui mea vis, mea robora solus.
- 3 Rupes præsidiumque meum est, me liberat IAS;
Is meus est FORTIS, mea petra;
Cui nitor, clypeusque mihi, cornuque salutis
Cunctis perfugiumque periculis.

C ♣

Inuoco